

RES CHRISTIANORUM.

tribunal adduxerunt, qui de eiusmodi quæstionibus iudicare nihil curat, *Act. 18. v. 12. &c.*

54 Iudæus APOLLO Ephesum perveniens, docet diligenter ea quæ sunt Domini, *Ibid. v. 24. &c.*
Paulus Ephesum reversus 12. discipulos, qui baptismum Ioannis tantum noverant, instituit: qui, de lapso in eos spiritu sancto, loquebantur linguis. Mansitque ibi per tres menses suadens de regno Dei, *Act. 19. v. 1. &c.*

55 Discipulos deinde separans à Iudæis, docet in schola Tyranni per biennium, *Act. 19. v. 9. & 10.*

56 Septem filii Scevæ Sacerdotis primarij ab Energumeno vulnerantur. Qui fuerant curiosa sectati, libros denar. 50. millia combusserunt, *Act. 19. v. 14. & 19.*
GALATÆ citò post discessum Pauli seducti, vehementiori EPISTOLA ab eo revocantur, *Act. 18. v. 23. cum Gal. 1. v. 6.*

57 Orto in Ecclesia CORINTH. schismate, Paulus ad eos priorem scripsit EPISTOLAM, *1. Corinth. 1. v. 10. 11. &c.*
Et paulò post, cum de eorum statu per Titum certior factus esset, SECUNDAM ad eosdem dedit.

58 Ex Macedonia in Græciam profectus Apostolus, Corinthum venit, unde EPISTOLAM AD ROMANOS scripsit, quo tempore cum collectis Macedonia & Achaia profecturus erat Hierusalem, *Rom. 15. v. 25.*
Inde in Asiam per Macedoniam iturus, Troade Eutychem in vitam restituit, *Act. 20. v. 1. & 10.*
Asso, Mitylene, Samio, Miletum pervenerunt; unde Paulus mittens Ephesum Presbyteros Ecclesiæ arcessivit, quos gravissimâ oratione de officio admonuit, *Ibid. v. 17. &c.*
Paulus ab Ecclesia Hierosolymitana exceptus, à Iudæis propè est trucidatus: Tum à superveniente LYSIA Tribuno ereptus, *Act. 21. v. 31. & 33.*
Postera die coram Synedrio causam perorans, Ananiam Principem Sacerdotum, qui eum in os cædi iusserat, *parietis dealbati nomine perstringit. Act. 22. v. 30. cum cap. 23. v. 2. & 3.*

59 Orto die Tribunus Paulum ad FELICEM provinciae præsidem misit. *Act. 22. v. 26. 27. &c.*
Aliquot post diebus Felix, qui Paulum de fide Christi ac iudicio futuro differentem audiit tremens; sperans tamen pecuniam ab eo, sæpius cum eo colloquebatur: totoque biennio eum in vinculis detinuit, *Act. 24. v. 25. 26. & 27.*

60 Sed cum successorem accepisset PORTIUM FESTUM, Paulum vincum Cæsareæ reliquit, *Ibid.*
Paulus à Festo auditus CÆSAREM APPELLAVIT, deinde coram Agrippa & eius sorore Berenice causam iterum orat catenam vincus, *Act. 25. v. 10. & 13.*
Ut Romam mitteretur Paulus traditus est Julio Centurioni cum aliis vincis, multisque diebus Cretam pervenerunt, *Act. 27. v. 1. &c.*

61 Cum ieiunium (solemne illud *expiationis*, mensis 7. die 10.) iam præterisset & periculosa esse inciperet navigatio, Paulus, ut illic hyemarent, suavit: Non acquiescentibus nautis, tempestate gravi iactati sunt, navique dissolutâ homines MELITAM adnatarunt, *Act. 27. v. 9. & cap. 28. 1. &c.*

62 Cum Melitæ per tres menses mansissent, Romam sunt delati, ubi Paulo permissum est ut habitaret seorsim cum custodiente se milite, mansitque per biennium in proprio conducto, *Ibid. v. 11. & 30.*

RES IUDÆORUM.

tulit, Philippi Tetrarchiâ ei donatâ: adiunctâ etiam Abilennâ Lysaniæ. *Ioseph.*

DRUSILLA, Agrippæ huius soror, relicto marito Azizo Emesenorum rege, Felici Iudææ procuratori nupsit; Ex eoque matrimonio Agrippa ille procreatus est, qui incendio Vesuviano periit, *Ioseph.*

Afinio Marcello, & Afinio Aviolâ Coll. 3. Idus Octobris, CLAUDIUS EXINCTUS est, *Suet. cum imperasset annos 13. mens. 8. & dies 20. Dio cum Ioseph.* Et in medio eiusdem diei NERO gener & adoptivus filius imperator declaratus est, *Tacit.*

Egyptum illum qui 4. hominum mill. persuasit iussu suo moenia Ierusalem ruitura, Felix invalit cum suis militibus, *Ioseph. & Act. 21. v. 38.*

NERONIS.

1

2

3

4

5

6

7

8

9

10

11

12

13

14

15

16

17

18

19

20

21

22

23

24

25

26

27

28

29

30

31

32

33

34

35

36

37

38

39

40

41

42

43

44

45

46

47

48

49

50

51

52

53

54

55

56

57

58

59

60

61

62

63

64

65

66

67

68

69

70

71

72

73

74

75

76

77

78

79

80

81

82

83

84

85

86

87

88

89

90

91

92

93

94

95

96

97

98

99

100

RES CHRISTIANORUM

RES IUDÆORUM.

Anni æræ vulg.

Atque hic finis libri Actuum Apostolorum.

63 ONESIPHORUS Paulum Romæ studiosè quæsit; invenit, & eum recreavit, *2. Tim. 1. v. 16. 17. & 18.*
Philippenses EPAPHRODITUM cum pecuniis Romam miserunt, ut Paulo subveniret, per quem Epistolam ad eos scripsit Paulus, sperans se ad eos citò venturum, *Philipp. 2. v. 25.*
Colossos ad PHILEMONEM, per servum ipsius Onesimum, scribit Paulus, *Philem. v. 19. & 21.*
Aliam eodem tempore AD COLOSSENSES è vinculis scribit, *Coloss. 4. v. 18.*
Per Tychicum AD EPHESIOS scribit Paulus, *Ephes. 6. v. 21. & 22.*
Circa idem tempus AD HEBRÆOS Epistolam dedisse videtur; salute illis à Fratribus Italis dictâ, *Hebr. 13. v. 24.*
Paulus expleto biennio illo, quo in libera custodia Romæ docuerat, *Act. 28. v. 30.* manumissus, iterum Orientem, Occidentemque lustrat, & Colossis à Philemone hospitio exceptus est, *Philem. v. 22.*

64 Nero Romam incendit, abolendoque rumori subdidit reos Christianos, *Tacit.*
Hæc fuit PRIMA in Christianos excitata PERSECUTIO sanguinis.

65 In Cretæ insula prædicavit Paulus, relicto ibi Tito ut reliqua corrigeret, & Presbyteros ordinaret. *Tit. 1. v. 5.*
Ephesi aliquandiu moratus, Timotheum ibi reliquit, ut eam Ecclesiam administraret, *1. Tim. 1. v. 3. & cap. 3. v. 14.*

66 In Macedonia apud Philippenses Paulus permansit sicut ipse promiserat, *Philipp. 1. v. 25. & 26. cum cap. 2. v. 24.*
Priorem tunc AD TIMOTHEUM scripsit Epistolam, *1. Tim. 1. v. 2.*
Mox aliam AD TITUM misit in Cretam. *1. v. 4. & 5.*
Paulus SECUNDO ROMAM veniens, à Nerone semel auditus, absolutus est: de quo ipse, *2. Tim. 4. v. 16. & 17. In prima mea defensione nemo mihi affuit ... Dominus autem mihi assistit. & liberatus sum de ore leonis.*

DEMUS Paulum reliquit, profectus Thessalonicam. *2. ad Tim. 4. v. 9.*
CRESCENS in Galatiam sive Galliam est missus, TITUS in Dalmatiam, Lucas solus Romæ cum Paulò mansit, *ibidem v. 10. & 11.*

PETRUS & PAULUS de appropinquante vitæ exitu à Domino sunt admoniti, *2. Petri 1. v. 14. & 2. Tim. 4. v. 6.*
Paulus Ephesum SECUNDAM AD TIMOTHEUM misit Epistolam, *2. Tim. 4. v. 12.*

67 PETRUS & PAULUS Romæ prædixerunt brevi futurum regem, qui Iudæos expugnaret, *Lactant. lib. 4. cap. 21.*
Iunij 29. PAULUS Romæ gladio cæsus est, & PETRUS cruci affixus, *Tertull. Dionys. Corinth. Origen. apud Euseb.*

Anni imper. NER.

9

10

11

12

13

Festo mortuo, Nero successorem misit ALBINUM, *Ioseph.*
Ananus Pontifex, Albino adhuc agente in itinere, indicto Concilio, IACOBUM, *Iesu, qui Christus dicebatur, fratrem capite damnavit. Ioseph.*
Hoc factum, cum boni quique improbant, Ananus Pontificatu privatus est, *Ioseph.* apud Christianos autem SIMEON Cleophae filius Episcopus est constitutus, *Euseb.*
Quadrennio ante bellum Iudaicum, cum civitas summâ pace frueretur, Iesus quidam plebeius ad festum tabernaculorum veniens interdiu nocturne clamabat, *vox ab Oriente, vox ab Occidente, &c.* qui cohiberi non potuit, etiam plagis ad ossa laceratus; ad singulos ictus id soium repetens, *ve, Hierosolymis: Idque per annos 7. fecit, donec lapis tormento missus eum peremit. Ioseph.*

FLORUS à Nerone successor Albino missus, pessimus homo, qui cum modis omnibus Iudæos vexaret, eos adversus Romanos rebellare coegit, *Ioseph.*

Interea Levitæ Agrippam induxerunt, ut decerneret eis usum stolæ linæ, quæ solis erat Sacerdotibus concessa. Quæ fiebant contra instituta legis patriæ, nunquam absque piaculo violatæ, *Ioseph.*

Cestius Gallus Hierusalem veniens, viresque civitatis Neroni significare volens; Pontifices, die Paschatis invenerunt hostias 255600. ad quas comedendas decem & aliquando viceni homines per singula contubernia conveniebant, *Ioseph.*
Cestium circumstantis multitudo, non minor quam 300. Myriadum (hoc est 300000.) supplicabat, ut genti suæ subveniret; qui tamen nihil promovebant: Quin Florus in dies augebat calamitates, *Ioseph.*
Sub Floro igitur ORTUM EST BELLUM, mense Maio, anno imperij Neronis 12. Regni Agrippæ 17. Præfecturæ eiusdem Flori anno 2. *Ioseph.*
Duravit verò per quadriennium: ipsa autem urbs per 6. menses est obsessa. In cuius obsidione homines interiere 1100000. Qui numerus iis additus, quos Florus ab initio præfecturæ suæ diversis locis perdidit, Summam conficit 1337490. innumeris præterea aliis omisiss, qui fame, exilio, miseris perierunt.

Atque hæc nunc Tabulis istis sufficiant.
Qui plus volet, adeat nostram CHRONOLOGIAM SACRAM, ubi plura leget, & quæ hic tantum indicantur, firmis inveniet rationibus stabilita.